



Tusarniaaffiusunut

3. december 2013

Una pillugu tusarniaaneq: Anartarfiit imakuinik imermillu errortuivikumik eqqaaneq pillugu Namminersorlutik Oqartussat nalunaarutissaannut missingersuut.

Postboks 1614
3900 Nuuk
Tlf. (+299) 34 50 00
Fax: (+299) 34 54 10
E-mail: apn@nanoq.gl
www.naalakkersuisut.gl

Avatangiisinut immikkoortortaqarfik, Avatangiisinut Pinngortitamullu Naalakkersuisoqarfimmi matumuuna anartarfiit imakuinik imermillu errortuivikumik eqqaaneq pillugu nalunaarutissat missingersuutip tusarniaassutigineqarnera nassiuppaa.

Tusarniaanermi akissuteqaatit kingusinnerpaamik ulloq **pingasunngorneq 22. januar 2014-mi** tiguneqarsimanissaat Avatangiisinut Immikkoortortaqarfimmit inussiarnersumik qinnutigineqarpoq. Tusarniaanermi akissuteqaatit Naalakkersuisoqarfiup tamanut email-adresseanut nassiteqquneqarput, uunga: APN@NANOQ.GL

Nalunaarut avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq, inatsisartut inatsisaatigut nr. 1-ikkut, 29. maj 2012-meersukkut allannguuteqartinneqartoq tunngavigalugu suliarineqarpoq.

Imeq errortuivikoq pillugu nalunaarusiorluni sulineq ukiut arlallit matuma siornatigut DANCEA-mit tapersorsorneqarluni aallartinneqarpoq. Nalunaarut pingaartumik imermut errortuivikumut tamarmiusumut maleruagassiornermi kommuninut sakkussatut isigineqassaaq.

Nalunaarusiami ilaatigut ukununnga aalajangersakkat aalajangersarneqarput:

- Kommunit imermut errortuivikumut pilersaarusiorneri.
- Imerkik errortuivikumik kuuffeqarfinnut attaviliisussaataaneq
- Sermip ernganik, nunap ernganik, imermik tarajulimmik imermillu tarajoqangitsumik kuutsitsinissamut akuersissutit.
- Akitsuutininik akiliisitsisarneq.
- Anartarfiit imaartakkat imaannik aammalu imermut errortuivikumut katersuiviit imaannik eqqaasarneq.

Nalunaarut Kalaallit Nunaanni inuiaqatigiinnut tamarmiusunut tunngatinneqarpoq, tassalu kommunini innuttaasunit nalinginnaasuniit suliffeqarfinnut.

Nalunaarusiamut isummersuisoqarnissaanut, iluarsissutissanik sinnersuuteqartoqarnissaanut oqaaseqaateqartoqarnissaanullu qujareerluta.

Inussiarnersumik inuulluaqqusillunga

Talea Weissang

Toqq/direkte 346734

tawe@nanoq.gl